



KONTRATA SOCIALE 2023 – 2027

BASHKIA TIRANË

Detajimi i prioriteteve

Transport publik i aksesueshëm dhe i sigurtë për të gjithë qytetarët e Tiranës

- Afishimi i stacioneve dhe orareve në vendqëndrimet e autobusëve në të gjitha njësitë administrative të Tiranës. Adresimi i problemit të mbingarkesës dhe rritja e shpeshtësisë së lëvizjes së autobusëve të linjave: Qyteti
- Studenti (autobusët janë të vegjël dhe mbingarkohen); Depo e Ujit – Qendër; Unaza; Porcelani; Kamza dhe Alliasi (nuk ka lehtësira për personat me aftësi të kufizuar); Linja e Kristalit dhe ajo e Yzberishtit.
- Shtimi i fashave orare të linjave të Farkës, Dajtit dhe Baldushkut ku autobusët vijnë çdo 45, 50 ose 60 minuta.

Garantimi dhe aksesi në ujë të pijshëm dhe të konsumueshëm

Uji i Pijshëm

- Kërkohet furnizimi me ujë të pijshëm 24 orë në njësitë administrative nr. 1, 2, 3 (përveç lagjes "Sadik Petrela" ku ka ujë 24 orë), 4, 5, ku uji vjen vetëm 3 herë në ditë dhe nuk është i konsumueshëm.
- Njësia administrative nr. 7: Tek rruga "Muhamet Gjollesha", nuk arrin mjaftueshëm ujë në katet e larta. Uji vjen 2 herë në ditë dhe nuk është i konsumueshëm.
- Njësia administrative nr. 8: Uji vjen 3 herë në ditë ndërsa tek rruga "Gjon Buzuku" zgjatja e furnizimit me ujë është maksimumi vetëm 20 minuta çdo herë. Nuk është i konsumueshëm.
- Njësia administrative Farkë: Kërkohet uji i konsumueshëm 24 orë në të gjithë njësinë, përveç Lundrës ku uji është i pijshëm.
- Njësia administrative Dajt: Kërkohet uji i konsumueshëm 24 orë në Priskë. Gjithashtu nevojitet më shumë rregullsi në mirëmbajtjen e rrjetit të ujësjellësit.
- Njësia administrative Baldushk: Mungon dhe kërkohet vendosja e rrjetit ujësjellës në të gjitha fshatrat përveç qendrës së njësisë (Baldushkut).

Kanalizimet

Sistemi i kanalizimeve ka nevojë përndérhyrje në:

- Njësia administrative nr. 2: Tek rruga "Kadri Kërçiku" (te fushat e zeza) ku problemi ka 3 vite që ekziston. Gjithashtu, në zonën në të dy anët e Depos së Ujit, që lidhet me rrugën "Gramoz Pashko".
- Njësia administrative nr. 3: Në rrugën "Gjolek Kokona" (tek vendstrehimet); Nevojitet restaurimi i kanalizimeve të ujërave të shiut.
- Njësia administrative nr. 5: Në rrugën "Isuf Elezi", përballet shkollës "Arkos", në vazhdimësi bllokohen pusetat. Tek rruga "Andon Zako Çajupi", ndërtesarat 14, 15, prapa supermarket Xhangollit, sheshi para pallatit është i pashtuar dhe ka probleme me kanalizimet.
- Njësia administrative nr. 8: Rruga "5 Maji" tek shkolla "Tirana Jonë".
- Njësia administrative Farkë: Duhen rregulluar kanalizimet dhe tubacionet në rrugët dytësore: Rruga "e Varrezave", rruga "e Zojnave" dhe rruga "e Vreshnjave".
- Njësia administrative Baldushk: Në Fushëz, ku lagjja është e bllokuar, si dhe në Mustafakocaj ku kanalizimet nuk janë të sistemuara dhe krijojnë burime infeksioni.

Infrastruktura rrugore: Ndërtimi dhe mirëmbajtja e rrugëve, trotuareve dhe sinjalizimit rrugor.

- **Njësia administrative nr. 1:** Ndërhyrje në rrugët: "Hasan Prishtina" përballet pularisë; "Shaban Baxhaku" pranë arkivit popullor; "Gjin Marku" tek Uzina e Traktorit; segmenti nga rruga "Asdreni" tek rruga "Hodo Beg"; "Dhimitër Kamarda".
- **Njësia administrative nr. 2:** Ndërhyrje në rrugët: "Shyqyri Ishmi" (prapa zyrave të njësisë administrative); Rrugët e ndërmjetme nga rruga "Zonja Çurre" te shkolla "Mihal Grameno"; rivitalizimi i trotuarit në rrugën "Sali Nivica"; "Petro Nini Luarasi" tek Tregu Elektrik; "Fuat Toptani"; Rruga Budi.
- **Njësia administrative nr. 3:** Ndërhyrje në rrugët: "Kongresi i Manastirit"; "Skënder Kurti" e pashtuar pas punimeve për kanalizimet; Rruga nga shkolla "Niket Dardani" deri te rruga "Arkitekt Sinani"; Nevojitet rikualifikim i rrugës "Hoxha Tahsim" si dhe stola betoni për moshën e tretë.

Njësia administrative nr. 5: Ndërhyrje në rrugën "Nikolla Tupe"

Njësia administrative nr. 7: Shtrimi i segmentit të rrugës "Naim Frashëri" nga blloku i ambasadave deri te rruga "e Kavajës".



- **Njësia administrative nr. 8:** Ndërhyrje në infrastrukturë si vijon: Mungojnë vendparkimet në rrugën "Gjon Buzuku" (te pallati 100); Që nga 9-katëshet dhe deri sipër Selvisë si edhe Rruga "5 Maji", nuk ka trotuare të mirëfillta dhe qytetarët (sidomos nënët me karroca fëmijësh dhe personat me aftësi të kufizuar) hasin vështirësi në lëvizje.
- **Njësia administrative Farkë:** Ndërhyrje si vijon: Nga Farka e Vogël deri në Sauk, një segment (lagje e vjetër) kërkon mirëmbajtje në asfaltim. Rruga jug-Bathore është e parregulluar totalisht.
- **Njësia administrative Dajt:** Ndërhyrje si vijon: Rrugët te Fresku, Thesari, Lanabregas, Priskë, Tufinë; Fshatrat Murth, Selbë dhe Darshen janë komplet të izoluara dhe kanë nevojë për ndërhyrje në infrastrukturën rrugore;
- **Njësia administrative Baldushk:** Fshatrat Vrap, Vesqi, Parret dhe Kakunj nuk kanë rrugë dhe janë të izoluar.

Shkollat: Rikonstruksioni apo/dhe ngritja e shkollave në zonat me mbipopullim ku numri i fëmijëve për klasë është shumë i lartë.

- Duhen shtuar shkollat në njësitë administrative 1, 2 dhe 4 pasi ka mbingarkesë me nxënës në shkollat ekzistuese.
- Qytetarët kërkojnë ofrimin e shërbimit "after school" në më shumë shkolla të Tiranës. Aktualisht ky shërbim ofrohet në vetëm 4 shkolla pilot.
- Në njësinë administrative nr. 7 ka nevojë për ndezjen e kaldajave gjatë dimrit, sepse edhe pse sistemi i ngrohjes është instaluar ato nuk ndizen ose ndizen shumë pak.
- Zona e Liqenit të thatë ka nevojë për shkollë 9-vjeçare, si zonë në zhvillim. Në njësinë administrative Farkë, shkolla Farka e Madhe është e bashkuar (ka edhe 9-vjeçaren, edhe gjimnazin në të njëjtin vend) dhe funksionon me turne. Qytetarët kërkojnë ndarjen e dy sistemeve në shkolla të veçuara. Gjithashtu kërkojnë që në hapësirat e shkollës të ngrihet një park lojërash dhe palestër për zhvillimin e orës së fizikultrës.
- Kërkohet ndërtimi i një shkolle të re në Mustafakoçaj të Baldushkut, pasi shkolla ekzistuese ka kushte shumë të këqija, ose rikonstruktimi i aktuales.

Kopshtet dhe Çerdhet: Rikonstruksioni apo/dhe ngritja e shkollave në zonat me mbipopullim ku numri i fëmijëve për grup është shumë i lartë. Vëmendje të veçantë njësive administrative rurale.

- Duhen shtuar kopshtet për shkak të mbingarkesës në njësitë administrative nr. 1 dhe nr. 7. Gjithashtu në njësinë 5 kërkohet shtimi i stafit dhe zgjerimi i ambienteve në kopshte.
- Në Farkë kërkohet ndërtimi i një çerdheje e cila mungon, dhe kërkohet zgjatja e orarit të kopshtit të fëmijëve deri në orën 16:30 duke përfshirë edhe drekën.
- Kërkohet një kopsht me drekë në Dajt, si dhe çerdhe dhe kopsht në fshatin Mustafakoçaj të Baldushkut.
- Në njësinë 4, te zona 3700 duke shkuar për në Tufinë, qytetarët kërkojnë ndërtimin e një kopshti për fëmijët.

Nxitja e zhvillimit të qëndrueshëm vendor: Programe për gratë dhe të rinjtë për fuqizimin ekonomik

- Më shumë shërbime dhe programe për të rinjtë me qëllim që të mos largohen nga vendi. Gjithashtu duhet rritur informimi i qytetarëve për programet ekzistuese.
- Programet ekzistuese për nxitjen e punësimit dhe biznesit, sipas qytetarëve janë të pamjaftueshme. Kërkohet shtimi i këtyre programeve dhe rritja e numrit të përfituesve.
- Duhet të adresohet problemi i mungesës së mundësive të punësimit për të kthyerit nga emigracioni.
- Duhen analizuar më mirë ofertat e punës për gratë e regjistruara në zyrat e punës, me adresën se ku ofrohet puna, sepse largësia e madhe i pengon ato të pranojnë punësimin.

Shërbimet Sociale për grupet në nevojë: Fokus të veçantë të mbijetuarat e dhunës në familje, moshës së tretë, personave me aftësi të kufizuar dhe të rinjve në nevojë.

- Në njësitë administrative nr. 2, 3, 4, 5 dhe Farkë kërkohet shtimi i qendrave komunitare që ofrojnë shërbime për grupet në nevojë në mënyrë që të eliminohet problemi i largësisë së vendbanimeve të qytetarëve nga qendrat ekzistuese.
- Kërkohet adresimi i problemit të ofrimit të terapisë për fëmijët me aftësi të kufizuara nga moshë 12 deri në 18 vjeç, pasi aktualisht terapia ofrohet vetëm deri në moshën 12 vjeç.
- Kërkohet ngritja e një qendre rezidenciale për gratë e dhunuara që nuk kanë shtëpi.